

新訂現行刑律講義

卷五

劉敦謹題籤

大清現行刑律講義

韓城吉同鈞纂輯

賊盜上

箋釋賊者害也又輯註殺人曰賊竊物曰盜蓋害又輯註殺人曰賊竊
曰賊盜則止於一身一家而已李悝法經六篇一一身一家而已李悝
為賊律盜律後周易作賊叛律劫盜律賊盜本分周易作賊叛律劫盜
賊盜律唐宋以來至今不改此篇為首三門謀反來至今不改此篇為
賊其餘皆盜也

謀反大逆

凡謀反

不利於國謂謀危社稷

及大逆

不利於君謂謀毀宗廟山陵及宮闕

但共謀者不分首從

已未

皆斬

知情故縱隱藏者絞有能捕獲

犯正

者量功授職仍將犯人財產給半充賞

餘

或入官或仍給家屬隨案辦理未行兩親屬告捕到官正犯同自首免已

雖無故縱但

不首者流三千里

按此仍明律其小註係順治三年增修雍正六年刪定現又刪改唐律

正犯罪止於斬緣坐之父子年十六以上皆絞十五以下及母女妻妾
祖孫兄弟姊妹皆沒官男夫年八十及篤疾婦人年六十及廢疾者並
免伯叔父兄弟之子皆流三千里明律祖父子孫兄弟及伯叔父兄弟
之子皆擬決斬過於嚴厲嘉慶道光年間累次修改從輕凡叛逆案內
其子孫實不知情者無論已未成丁均交內務府閹割發往新疆給官
兵為奴十歲以下牢固監禁俟十一歲再行閹割其餘律應緣坐男犯
並非逆犯子孫年十六以上者發往新疆為奴十五以下俟成丁時再
行發遣緣坐婦女發各省駐防給官兵為奴云云已較明律從寬現律
一概除去不但較明律為輕即較唐律亦為寬恕蓋叛逆之法漢代最
嚴唐律稍寬明律復嚴於唐我朝律文雖沿於明而條例改從寬典
深仁厚澤已足超越漢唐據現在律論之除正犯處斬外餘均免其緣
坐雖深合文王治岐罪人不孥帝德好生罰弗及嗣之道但以後世而
遽欲追蹤三代媲美唐虞徒博寬大恐啟匪黨覬覦之心又按叛逆之

罪東西各國均從重典法國謂之妨害國家安寧之罪德國謂之大逆謀殺之罪俄國謂之謀危皇族謀危社稷之罪日本謂為關皇室關內亂之罪雖處絞處斬各有不同皆不得貸其一死此可見天經地義中外所同政體雖有專制立憲共和之殊而干犯至尊即民主之國亦當立置重典至於凌遲緣坐之法各國均無一旦剗而除之宜其為外國稱頌也此為六律中最重之罪故列於刑律之首律文設此嚴法使人望而知畏應可遏惡於初萌悔悟於未發亦火烈民畏之意未可與他律斤斤比較周禮云新國用輕典亂國用重典書云刑罰世輕世重傳曰寬以濟猛猛以濟寬蓋刑罰之輕重各因其時若一味從寬則水懦民玩反貽姑息養奸之禍此又減輕刑法者不可不知也

謀叛

凡謀叛

謂謀背本國
聲從他國

但共謀者不分首從皆絞知情故縱隱藏者絞

晝候入於
秋審情實

有能告捕者將犯人財產給半充賞

餘者或入官或仍給家屬贍養辦理知行而不首者流三

千里若謀而未行者為首絞

晝候入於秋審情實為從者多少皆流三千里知未而不

首者徒三年

未行則事尚隱秘
既不言故縱隱藏

○若逃避山澤不服追喚者

或避差或犯罪
負國不服非暫

逃以謀叛未行論

依前分首從

其拒敵官兵者以謀叛已行論

依前不分首從律
以上二條未行時

事屬隱秘須
審實乃坐

按此仍明律其小註係順治三年修改現又刪改正犯應斬決者改為

絞決應絞決者改為絞候查唐律此項緣坐之法僅及父母妻子若率

眾不及百人止坐妻子雖父母亦不緣坐即緣坐罪止于流明律添入

妻女祖孫兄弟六項且改流罪為奴較唐律已涉嚴厲但現在緣坐概

予刪除不但與舊律迥然不同亦較唐律為輕矣此律分兩層前一層

言謀叛之罪後一層言逃叛之罪而謀叛逃叛之中又分已行未行蓋

大清刑律草案
罪莫重於反逆而謀叛次之故罪亦差異日本刑法謂之外患罪凡交結外國以抗本國者處死刑即此謀叛之意此律以後尚有結交結拜條例數則雖非謀叛實與謀叛相類故附於謀叛律後刻下會匪蠭起此例較律尤有裨於實用故錄於後當細參之

一凡異姓人但有歃血訂盟焚表結拜弟兄者照謀叛未行律為首者擬絞監候為從減一等若聚眾至二十人以上為首者擬絞監候入於秋審情實為從者發煙瘴地方安置其雖無歃血盟誓焚表情事若年少居首並非依齒序列即屬匪黨渠魁聚眾至四十人以上者首犯改擬絞監候入於秋審情實為從發煙瘴地方安置未及四十人者為首擬絞監候為從流三千里其有抗官拒捕持械格鬪等情無論人數多寡各按本罪分別首從應絞候者加擬立決應遣流以下者照罪人拒捕各律例分別治罪如為從各犯內審明實係良民被脅勉從結拜並無抗官拒捕等事者應於為從各本罪上再減一等僅止畏累出錢未經隨同結拜者照違

制律治罪其聞拏投首及事未發而自首者各照律例分別減免倘減免之後復犯結拜不許再首均於應擬本罪上酌予加等應絞候者改擬絞決應發煙瘴安置者發新疆當差應滿流者改為極邊足四千里安置應滿徒以下亦各遞加一等治罪其自首免罪各犯由縣造具姓名住址清冊責成保甲族長嚴行稽查約束仍將保人姓名登記冊內如有再犯即將知而不首之保甲族長處十等罰

一各省拏獲會匪如訊係為首開堂放飄者及領受飄布展轉糾夥散放多人或在會中充當元帥軍師坐堂陪堂刑堂禮堂名目與入會之後雖未放飄展轉糾人而有夥同搶劫情事及勾通教匪煽惑擾害者一經審實即開錄詳細供招稟請覆訊就地正法仍隨案具奏此外如有雖經入會並非頂目情罪稍輕之犯酌定年限監禁俟限滿後察看是否安靜守法能否改過自新分別辦理其無知鄉民被誘被脅誤受匪徒飄布希冀保全身家並非甘心從逆之人如能悔罪自首呈繳飄布者一概從寬免其

究治其有向充會匪自行投首密告匪首姓名因而拏獲亦一律免罪若投首後又能作線引拏首要各犯到案究辦除免罪之外仍由該地方官酌量給賞地方文武員弁能拏獲著名首要審實懲辦隨案奏請優獎如妄拏無辜擾累閭閻以及縱匪貽害亦即嚴行叅處

一 凡不逞之徒歛血訂盟轉相結連土豪市棍衙役兵丁彼倡此應為害良民據鄰佑鄉保首告地方官如不准理又不緝拏惟圖掩飾或至讎起為盜抄掠橫行將地方文武各官革職從重治罪其平日失察首告之後不自隱諱即能擒獲之地方官免其議處至鄉保鄰佑知情不行首告者亦從重治罪如旁人確知首告者該地方官酌量給賞倘借端妄告者仍照誣告律治罪

一 叛逆案內被脅入夥並無隨同焚汛戕官抗拒官兵情事者各於斬絞罪上減一等發煙瘴地方安置其聞拏悔罪自行投首者再減一等徒三年

造妖書妖言

凡造妖書妖言及傳用惑眾者皆絞

監候被惑人不坐不及眾者流三千里合依量情分坐

若他人私有

妖書隱藏不送官者徒三年

按此仍明律其小註係順治三年修改現又刪改仍照唐律擬絞唐律有言理無害一項謂妖書妖言雖說變異無損於時若豫言水旱之類造與傳用祇杖一百私有者杖六十舊律刪去此層添入讖緯二字讖者符驗也緯者組織也謂組織休咎之事以為將來之符驗又讖符也緯橫也以符讖之說橫亂正道也如赤伏符卯金刀之類或妄談已往怪誕之事或妄載未來興廢之徵或假託鬼神作為妖妄不經之論關係國家禍福世道盛衰意在煽惑人心圖謀不軌故立此重法附於反叛之後載於盜賊之門與禁止師巫邪術條內左道異端煽惑人民一項似同而實異彼假託神道意在誑騙愚民之財此則姦宄不逞意在禍亂國家其用意不同故擬罪有輕重之分又收藏禁書門載私藏天

象器物圖識應禁之書者十等罰與此隱藏妖書徒三年之律情事似同而擬罪各異者雖均係應禁之書彼是前代流傳原有此書此則奸人造作假託以惑眾其實究有不同故編載異門現因讖緯不常見已將此二字節刪有犯則照妖書妖言辦理此中界限甚微須細參之輯註惑眾二字統承上造與傳用而言造原有惑眾之心傳眾則有惑眾之事造者或自傳用而傳用者不必自造細玩及字其意自見若將惑眾二字專承傳用則失律義矣日本現行法不設此條改正刑法軍人為利敵計造言飛語者處死刑德國刑法以大逆之目的公然張貼陳列及其他隱畫公布為挑發者處十年以下懲役又俄律編造揭帖書畫傳播煽惑人民作亂者罰作八年以上苦工云云其情節與此律相似而擬罪不同德俄均不以死日本與中國均處死刑此可見歐亞風俗不同故刑法各自相合律後尚有條例數則輔律而行詳錄於左以備參考

一凡狂妄之徒因事造言捏成歌曲沿街唱和及以鄙俚褻嫚之詞刊刻傳播者內外各地方官即時察拏審非妖言惑眾者坐以不應重罪

一凡坊肆市賣一應淫褻書畫地方有司一體嚴禁板書器物盡行搜毀有造作刻印描畫者係官革職軍民徒三年市賣者處十等罰買看者處八等罰該管官不行查出交部議處仍不准借端出首訛詐

盜大祀神御物

凡盜大祀天神地祇御用祭器帷帳等物及盜饗薦玉帛牲牢饌具之屬者皆

絞

不分首從監守常人謂盜者其祭器未進神御及營造未成若已奉祭訖之

物及其餘官物

雖大祀所用皆徒三年若計贓重於本罪

一等

謂監守常人盜者各加盜守常人盜罪一等至雜犯絞不加

按此仍明律其小註係順治三年增修現又改易唐律亦有此項而罪

止流二千五百里若盜玉帛牲牢止徒二年較此律輕數等矣此律之

意蓋在重祀典而嚴不敬故載在十惡之內

天地

宗廟

社稷皆為大祀餘則中祀小祀也郊社禘嘗典禮森嚴故御物不容褻視祭器帳帷幔等物係神祇所用者玉帛牲牢饌具係饗薦於神祇者盜之則為大不敬然亦有二等若祭器等物已在殿內玉帛饌具已在祭所盜之則褻慢已極故擬以絞若以上等物未進神御及其餘官物如金甌之屬雖大祀所用而不係臨時饗薦者究與盜於祭所有間故

罪止滿徒贓重於本罪加一等者如計贓輕微不論多少均擬滿徒若計贓重者如監守盜尋常官物十七兩應徒三年今盜大祀神物值十七兩亦擬滿徒則與尋常監守盜無異故加一等流二千里如常人盜官物四十五兩流二千里今盜大祀神物值四十五兩亦流二千里則與尋常常人盜無異故加一等流二千五百里但加不至死者名例通義註云至雜犯絞不加可見此項盜罪雖計贓滿貫止可加至徒五年不得加入實絞也去年奉有

明詔孔子升入大祀以後如盜孔廟

祭器等物應依此律辦理此項罪名日本刑法所無歐西各國崇尚宗教凡盜及教堂者治罪加嚴德律盜禮拜堂內器具及供禮拜神祇之建造物者處懲役俄律盜教堂神物及供奉之燈燭杯盞經卷罰作苦工云云雖名色各有不同而其尊敬神道則一也擬罪均不至死與中國唐律相合較之現律則輕矣又嘉慶年間有竊窰關帝神像內所藏銀什及像前供器者比照大祀神物減斬候秋審入於情實成案可見

此律專指大祀其中祀小祀俱不得援引也

卷之十